

& conseruer ledit tiltre de Tres-Chrestien, comme le plus riche fleuron de nostre couronne, & avec lequel nous esperons que toutes nos actions prospereront, voulans non seulement imiter en tout ce qui nous sera possible nosdits predecesseurs, mais mesmes les surpasser en desir d'establir ladite foy Catholique, & icelle faire annoncer ès terres loingtaines, barbares & estrangeres où le S. nom de Dieu n'est point inuouqué. Nostre cher & deuot Orateur, le Pere Prouincial de la Prouince de S. Denis en France, des Religieux de S. François de l'estroicte obseruance vulgairement appellez Recolleçts, se soit cy-deuant, & en secondant nos desirs, offert d'enuoyer ès païs de Canada des Religieux dudit Ordre, pour y prescher le sainct Euangile & amener à la saincte foy, les ames des habitants dudit païs, qui sont errantes & vagabondes dans leurs fantasies, n'ayans aucune cognoissance du vray Dieu, & à cest effect y en ayant en || uoyé nombre, leur la- 19
beur (par la grace de Dieu) n'auroit point esté inutile, au contraire quelqu'uns * desdits habitants de Canada recognoissans leur viel erreur ont embrassé avec ardeur la saincte Foy & y ont receu le sainct Baptesme, nouvelle qui nous a esté aussi agreable qu'aucune qui nous peust arriuer, & ne reste à present qu'à affermir ce qui a esté commencé par lesdits Religieux, ce qui ne peut mieux estre qu'en permettant ausdits Religieux de continuer ensemble de s'habituer audit pays & y bastir autant de conuents qu'ils iugeront estre necessaires selon les temps & lieux, tous lesquels conuents, monasteres & Reli-